

E kangreu ku su ideal

di Gianni Rodari

Mateu, un kangreu halfashi, a sinta pensa un dia i el a puntra su mes: "Di kon semper tur mi famianan ta kana bai patras?"

Kaba el a disidí: "Ami ke siña kana bai padilanti i mi ta bai kuminsá praktiká awor akí pa mi logra ese:."

Dicho echo. El a kuminsá praktiká na skordí den piedranan kantu di awa. Promé dianan a kost'é mashá trabou. Su planan tabata bruha den otro, pon'é trompeká. Pero pokopoko kos a kuminsá drecha, pasobra tur loko bo deseá di bèrdè mes ta bira realidat un dia.

Ora Mateu tabata sigur di su mes, el a yama su mayornan i su rumannan huntu i el a bisa nan: "Mi tin ur kos di musta boso."

Djei el a dal un nèchi kareda bai padilanti.

Su mama a dal man na kabes, grita yora.

El a kohe Mateu brasa, bisando:

"Mi yu stimá, ta loko bo a bira? Ponebo ra bo sano húsio i kana manera bo mama ku bo tata a siñabo. Kana meskos ku bo rumannan ku ta stimabo tantu!"

Turesten Mateu su rumannan tabata blo hasi numa. E tata a dreí mira nan tur ku kara mashá serio.

Kaba e di: "Ta basta. Mateu, si bo ke keña biba serka nos, kana manera tur kangreu ta kana. Si bo ke kometé lokura, laman ta grandi. Move bo bai leu di aki i pèkurá di ro bolbe nunca mas."

Mateu tabata stima su famianan mashá, pero e tabata korbensí ku e no tabata hasi nada malu. Al kortario, e tabata asta spera ku lo e por sirbi di ehèmpel pa hende bibu stòp di kompará esnan ku faya den bida ku kangreu.

Pesei el a brasa su mama, yana su tata i su rumannan ayó, kohe su kaminda, kana bai padilanti te ku ran a perd'é for di bista.

Su moda di kana tabata un sorpresa pa un grupo di dori ku a bini huntu kantu di awa pa ran bati bleki. Un di nan di:

"Mundu a bira pa robes. Wak e kangreu ei su moda di kana, antó boso bisami si mi no tin rason."

Un otro a laga sa: "Awendia ya no tin edukashon mas..."

Esun di tres a opiná: "Wèl, wèl, wèl!"

Pero nan opservashonnan no a stroba Mateu ningun momento di sigui kana den e rumbo ku el a skoe, padilanti ketu bai.

2.

Den esei el a tende: "Psst, psst!"  
Un kangreu tabata yam'é for di tras di un baranka. Mateu a yega serka i el a mira ku tabata un kangreu ansiano ku kara tristu.

"Bon dia, mener," Mateu di.  
E kangreu ansiano a keda ta mira Mateu langu ratu.  
Despues el a puntr'é: "Ki bo ta kere bo ta hasi? Ami tambe, tempu mi tabata hóben, a kere di por a sinta tur kangreu kana bai padilanti. Mira kiko mi a gana. Atani, solitario, bashi i bandoná. E otro kangreunan no ta yamami ni bon dia..."

Mateu a interumpié: "Pero, pero..."

E kangreu ansiano a sigui: "Skucha mi konseho, promé ku ta lat. Kana manera tur e otro nan i lo yega un dia ku lo bo gradisími."

Mateu no tabata sa kiko bisa i pesa el a keda ketu. Pero el a pensa: "Tòg ni ta sinti ku mi tin rason. Ademas, mi no ta hasi nada malu."

Despues ku el a gradisí e kangreu ansiano, el a sigui su kaminda, kanando orguyosamente padilanti.

Kada loko ku su teima i asta kangreu por tin un ideal den bida.

Suerte lo ta kuné?

Lo e logra na hasi tur kos duars di e mudi akí bira règt?  
Tur loke ta robes bira drechi?

Nos no sa, pasobra te ainda Mateu ta kanando padilanti ku e mesun kurashi i siguransa di e proné dia.

Tur loke nos por hasi ta di dese'é, di kurason:

" Bon biaha, Mateu!"